

Maṅgala Sutta Gāthā

Asevanā ca bālānam Paṇḍitānañ-ca sevanā
Pūjā ca pūjanīyānam Etam-maṅgalam-uttamam.
Patirūpa-desa-vāso ca Pubbe ca kata-puññatā
Atta-sammā-panidhi ca Etam-maṅgalam-uttamam.
Bāhu-saccañ-ca sippañ-ca Vinayo ca susikkhito
Subhāsītā ca yā vācā Etam-maṅgalam-uttamam.
Mātā-pitu-upatthānam Putta-dārassa saṅgaho
Anākulā ca kammantā Etam-maṅgalam-uttamam.
Dānañ-ca dhamma-cariyā ca Ñātakānañ-ca saṅgaho
Anavajjāni kammāni Etam-maṅgalam-uttamam.
Āratī viratī pāpā Majja-pānā ca saññamo
Appamādo ca dhammesu Etam-maṅgalam-uttamam.
Gāravo ca nivāto ca Santutthī ca kataññutā
Kālena dhammassavanam Etam-maṅgalam-uttamam.
Khantī ca sovacassatā Samanānañ-ca dassanam
Kālena dhamma-sākkacchā Etam-maṅgalam-uttamam.
Tapo ca brahma-cariyañ-ca Ariya-saccāna-dassanam
Nibbāna-sacchi-kiriyā ca Etam-maṅgalam-uttamam.
Phutthassa loka-dhammehi Cittam yassa na kampati
Asokam virajam khemam Etam-maṅgalam-uttamam.
Etādisāni katvāna Sabbattham-aparājitā
Sabbattha sotthim gacchanti Tan-tesam maṅgalam-uttamanti.